

Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
OPĆINA MAGLAJ  
OPĆINSKO VIJEĆE



Bosnia and Herzegovina  
Federation of Bosnia and Herzegovina  
ZENICA – DOBOJ CANTON  
MAGLAJ MUNICIPALITY  
MUNICIPAL COUNCIL

Broj:  
Maglaj,

Na osnovu člana 62. Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, broj:45/10, 111/12 i 20/17), člana 13. Zakona o principima lokalne samouprave Federacije BiH („Službene novine Federacije BiH“, broj:49/06 i 51/09), člana 18. Statuta Općine Maglaj („Službene novine Općine Maglaj“, broj:8/08, 3/08 i 6/08), a u vezi sa Presudom Ustavnog suda Federacije Bosne i Hercegovine broj:U-9//16 od 30.11.2016.godine i Presudom Ustavnog suda Federacije Bosne i Hercegovine broj: U-34/19 od 26.02.2019.godine, Općinsko vijeće Maglaj na sjednici održanoj dana \_\_\_\_\_2021. godine, d o n o s i

#### **O D L U K U**

**o izmjeni Odluke o utvrđivanju platnih razreda i koficijenata za plaće, dodataka na plaću, naknada plaće izabраних dužnosnika, nosioca izvršnih funkcija i savjetnika, državnih službenika i namještenika Općine Maglaj**

#### **Član 1.**

Član 18. Odluke o utvrđivanju platnih razreda i koeficijenata za plaće, dodataka na plaću, naknada plaće izabраних dužnosnika, nosioca izvršnih funkcija i savjetnika, državnih službenika i namještenika Općine Maglaj („Službene novine Općine Maglaj“, broj:1/15)  
**BRIŠE SE.**

#### **Član 3.**

Ova Odluka stupa na snagu narednog dana od dana objavljivanja u „Službenim novinama Općine Maglaj“

**PREDSJEDAVAJUĆA**  
Svjetlana Zamboni-Radovanović

## O B R A Z L O Ž E N J E

Osnov za donošenje izmjene predmetne Odluke je Presuda Ustavnog suda Federacije Bosne i Hercegovine, broj:U-9/16 od 30.11.2016.godine, kojom je po zahtjevu Općine Maglaj utvrđeno da je članom 114. Zakona o zaštiti od požara i vatrogastvu („Službene novine Zeničko-dobojskog kantona“, broj:5/11), povrijeđeno pravo na lokalnu samoupravu Općine Maglaj, jer su joj nametnute obaveze na dodatak plaće za posebne uslove rada, bez dodjele sredstava potrebnih za njihovo djelotvorno obavljanje.

Isto tako po zahtjevu Općine Maglaj tražena je zaštita prava na lokalnu samoupravu, zbog primjene odredbi člana 23. stav 1) tačka 1. Zakona o plaćama i naknadama u organima vlasti Federacije BiH („Službene novine Federacije BiH“, broj:45/10 i 111/12), kojim je propisano da dodatak na plaću za inspektore, glavne inspektore i direktore inspeksijskih tijela iznosi od 20% do 30%, tako da ovakve zakonske kongentne odredbe prisiljavaju poslodavca Općinu Maglaj da izvrši isplatu uvećane plaće, neovisno od svojih mogućnosti na štetu ostalih izvršilaca koji imaju plaću iz budžeta, a kojim je ograničena masa novčanih sredstava. Ustavni sud Federacije Bosne i Hercegovine je Presudom broj: U-34/19 od 26.02.2019.godine, utvrdio da osporeni član Zakona ne propisuje za jedinice lokalne samouprave obavezu isplate dodatka na platu u minimalnom iznosu od 20% od plate i samim tim nije ni nametnuta dodatna isplata, nego je ostavljena zakonska mogućnost lokalnim zajednicama da samostalno uredi navedenu oblast, te stoga Parlament Federacije nije ni imao obavezu da vrši konsultacije sa jednicima lokalne samouprave.

Obzirom da je članom 18. Odluke koja se mijenja propisano da državni službenik i namještenik ima pravo na plaću po osnovu posebnog ovlaštenja i posebnih uslova rada koji su utvrđeni Zakonom i Kolektivnom ugovorom, čijom primjenom bi se dodatno opteretio Budžet Općine Maglaj u dijelu isplata plaća i naknada plaća zaposlenih u općinskoj administraciji, a kako je pomenutim Presudama Ustavnog suda Federacije BiH, Općini Maglaj ostavljeno pravo na lokalnu samoupravu, odnosno pravo da sama uredi predmetnu oblast, odlučeno je kao u dispozitivu odluke.

Obradivač: Mirsada Skejić

Kontrolor: Emina Hasanić